

# أغانٍ سي

منير شبيحة





# أغانيسي

منير شبيحة



## ١. خبر حبيبي

يا حمام يا طائر علي ضفاف النيل  
خبر حبيبي بقلبي الحائر من بعده ما بنام الليل  
حبيبي الي أخذ قلبي و ملك البال  
و من بعاده بات الفؤاد مشغول  
الحسن منك يا حمام بلادي جميل  
زي عيون حبيبي الي صفاها من صفاء النيل  
لو غاب طيفك وجاء علي و عليك الليل  
البعد نارة تعذبني و الوحده ليلها طويل  
هو طبيبي و منايا اللقاء يسعد و يايا و أتهني  
يا فرحة قلبي المشتاق لما أشوف عيون حبيبي تواسيني  
هو زي نيل بلادي في أحلي وادي  
فيه شبابي وحب أقوى من الخيال  
حب صافي زي صفحة نيل بلادي  
فيه اروع آيات الجمال

## ٢. حيرة

كل أحاسيسي بقت ملك ليك  
و كأتي مشفتش إلا أنت  
كل اللي اتمناه يجي يوم  
و تعرف اتي هيماته بحبك  
عمري ما كنت أتصور  
إني أقدر أعيش في بعدك  
ياريتك تريح قلبي  
و ما تقطع حبل ودك  
ما أقدر شي أبدا اتحمل  
و لا أطمئن روحي و اتجمل  
و ابعت لك مراسيل ياما  
باستني الرد من عندك

٣. يا حبيبي أمتي لقاك

أنت دائما بتدينني الاماني  
و الوعود الجميلة لما أكون وياك  
و لما اروح الاقي روعي  
هايمه في بحر هواك  
أقول لنفسي بكرة حيبي  
يقولي قلبي أمتي بقي لقاك  
ياللي خدت مني بهجتي  
و سايبني ما شية في وحدتي  
امتي بكرة تيجي  
و أقابل اللي حيسب بهجتي  
و عشان أقولة لما غاب عني  
سبب شقايا و لوعتي  
أوعي بالليل تطول  
لسة بكرة فيك نهار طويل

بالسلامة يا حبيبي و أنت جاي من السفر

قلبي حيرفرغ من الشوق الجميل

بس حاسب و أنت ماشي في الطريق

بادعي ربي يوهب لك دعايا دليل

يا حبيبي أمتي لقاك



٤. ما تبكيش يا قلبي

ما تبكيش ما تبكيش

يا قلبي بقولك ماتبكش

هو عشان راح منك حبك

عايز تأخذ عمري بلاش

أنا حنساء وأبعد عنه

و روح له انت و سبني أعيش

هو فاكروني لعبه في ايده

و لا فاكروني قرطاس لب

لازم يعرف إني ممكن

أعيش من غيره و ممكن أحب

فاكر إنه قيس ليلى

و أنا بني أدمه ما عنديش قلب

روح يا حبيبي و أبعد عني

أنا مش ناقصة وجع قلب



٥. ليه تبعد عني

فين المحبة اللي بنا

اللي بيها نتفاهم و نتجاوب

دي الحياة من التعب الي فيها

خلت الاحباب تتخاصم و تتفارق

تعالى معايا نحس برحيق الوجود

كل حاجة تهون بس الحب يبقى له وجود

ليه بتبعد عني يا حبيبي

و تعيشني في الاماتي و الوعود

أوعي يكون حالنا كده يرضيك

لو كان كده يبقى خاب أمني فيك

دي دنيتي ملهاش طعم الابك

تعالى : بحلقك بأغلي حاجة ليك

و لو ما جتشي يا حبيبي يبقى حقي عليك

و تبقي جنيت علي اللي بيخاف عليك

و ساعتها حقولك روح أهجرني

و أنا من حسرتي حنساك



٦. ياللي أنت عني بعيد

ياللي أنت عني بعيد

أمتي حتقرب مني

ده حبنا عشان يعيش

لازم تبقي قريب مني

ده الحنين بيشدني اليك

لما أسمع صوتك بيكلمني

و أعمل ايه يا حبيب حياتي

ما هي دي حاجه غصب عني

ياريتك بتيجي قوام

قبل الليل ما يجيني

عشان أهيم في بحر هواك

و عيونك اللي بتسحرني

ده انا عمري ابدأ ما أتسك

ياللي طيفك تملي شغطني

ياللي أنت عني بعيد



٧. ياريت ترجعلي يا حبيبي

ليه سبتني بصمت ليلي الطويل

و بقيت مش عارفه اللي جرافي

يوم ما فلكوا اناك مسافر

حبست دمعني في عيوني

و انت مشيت ولا عديت

و لا تعرف ايه اللي بحالي

مش دي يمكن اوهام

و انا من جرحي ما بداري

باين ده كان وهم في بالي

و انا اللي حاقسي ما ضناني

اللي كنت بحبة سافر وراح

و انا اللي كده حفضل اعاني

من اللي حيعوضني الاوهام

بعد ما مشي و لا عزاني



روح يالليل و أبعد عني  
من صمتك اللي ضللني  
حققد كده بيني و بين نفسي  
في غيابة اللحن و أغني  
يمكن الايام تفاجئني  
و لقيه جايلي يخطبني  
ساعتها الفرحة ما تسعني  
و الكل يجوا يهتوني  
أقول جايلك بالطرحة  
ياللي كنت مقلبني



## ٨. منتظرة لقاك

ليه بعدت عني يا مهجة روعي  
و سببتني في وحتي تبكييني  
و بقيت منتظرة لقاك  
و استني خطواتك تنادييني  
و الشوق بناره يكويني  
مش قادرة علي بعدك ياللي أنت ناسيني  
عمرك ما افكرت يوم  
إتك تسأل عني مرة تواسيني  
ياريت بيعرف اللي بقلبي  
و تعرف ليه الهجر بيئزيني  
بقي أنت ترضي ليه  
كل العذاب ده و الاشواق تشقيني  
ماليش ذكريات غيرك  
و طيفك في احلامي تناجيني  
عايز أكون جاتبك  
علي طول بس انت تجيني



٩. ارسيلك علي حاله

خدعتني عيونها العسلية

و دلعها و دلالها عليا

كان ده كل فين يا عنايا

من يوم ما تعرفتي عليا

كنت قطة مغمضة

دلوقتي حاجه تانيه

كان صوتك زي العصفورة

و قوامك زي السنيورة

و البسمة الحلوه في شفئك

خلاتك في أحسن صورة

دلوقتي بقيتي جباره

و شايلة قلبك محتارة

سيباتي ورايحه علي فين

و خليتي قلبي في غيرة



مش حاسس أن أنت لوحدي  
ياللي أنت بقلبك محتاره  
ساعه تصلحي و ساعه تخصمي  
خلاتيني في حيره ومراره  
يا تيجيني يا تروحي لحالك  
ارسلك علي حاله يا جزاره



١٠. أه من عيونك

أه من سلام العيون

و السحر اللي تحت الجفون

شفت فيها الحسن كله

أحيا في قلبي اللي كان مكنون

بنظرة واحدة تولتني

خلاتني زي المجنون..

زي ما تكون سرقت قلبي

اللي كان عايش في بحر شجون

و من ساعتها مش قادر

علي هواها و بسحرها مفتون

ولا قادر أخبي و لا أداري

من لوعة قلبي و جحيم ناري

إذا بعدت عني شوية

تلقيني زي السكران



لو جتلي بعد شوية  
تفوق قلبي الحيران  
و تنور زهور قلبي الي كانت  
قبل هواها كان دبلان  
استنشق ورد عبيرك  
و تلاقيني زي السلطان  
تعالني يا شهر زاد  
أنا في حبك هيمان  
و قوللي كمان حدوتة  
من السهر بقيت تعبان  
أنا قلبي كان من قبلك  
عصفور في واحة توهان



## ١١. خبرني يا حبيبي

ما فيش أخبار بتجيني عنك يا حبيبي  
دا أنا من غيرك زي الطير التايه في الصجاري  
عايشة علي هيامي في أحلامي  
زي ما أتصورها بأفكاري  
نفسي تشوفك عيوني  
و اشكيلك عذابي و ناري  
و عدتني وذك يدوم علي  
لكن بعدك عني بيألمني و لا أنت داري  
ده أيام العمر بتجري يا حبيبي  
و بحسبها بأملني و انتظاري  
ياريت تحس باللي بي  
و تيجي تحسسنني بالامان و أنت جاري  
لوخذلني حبي لك  
أنا برفض أبقى زي الجواري  
و الكرامة عند كل شئ  
حتي لو عشت في البراري

## ١٢. حب بتمناه

الحب دخل قلبي و أنا ما أقدرش أخبي

و لا أقدر أخدع مشاعري وياه

ده الفرحة و السرور و الاماني

غيرتلي كل حالي و أنا بستناه

قلبي هو اللي بتمناه

و لا يقدر يبعد عنه ولا يوم ينساه

بحس ديماً مفيش غيره

و مهما طال غيره أقدر اهواه

عشان حعيش احلي ايامي

و تكون ديماً نلنا اللي بنتمناه

سنة و تيجي وراها سنة

و عيد ميلادي يوم لقاءه

تعالى تمللي كأس الهنا

و نشرب منه علي حب رعيناه



١٣. أفرحنا الحلوه

زغردوا وعلقوا الزينات

بعد شوق و انتظار جاتا الفرح

و كان البال مشغول واستراح

أرقصوا معنا علي طبول الفرح

الدنيا حتضحك و يانا

و الحزن ملناش مكان وياه

ده أجمل عيد اليوم عيدنا

ان شاء الله يارب يدوم فرحنا

المولي حقق رجائنا

صبرنا لحد ما جه اليوم

أحفظنا يارب من الحاسدين

احنا علينا نرد الدين

نحب كل اللي يحبنا

و الكره مش من طبعنا

يارب دوم فرحنا





## ١٥. ابعء عني

أنا بيني و بينك واحه  
هاعيش علي كده مرتاحه  
أه من نفسي البواحه  
و سعادته كانت مره وسبتها بسماحه  
و لما كنت دايبه في وصالك  
تيجي تعاملني بتناحه  
و تمشي من الشارع التاني  
ايه في دماغك يا نصاحه  
أهه نفسي البمبه تخذها  
وتبقي زي سواحده  
لما تنده علي ابن جارتنا  
مش هجريك يا كلاحه  
فلا كنت في هواك متصوفه  
و لا دقت طعم الراحه  
ده أنا كنت بكلم نفسي  
زي اللي بتندب في مناحه  
روح ابعء عني أرجوك  
أنا نسيك بصراحه

## ١٦. إخلص لييه

أنا إنفتح لك قلبي  
وسيبب لك بابيه موارب  
ان كنت عايزني انا في انتظارك  
نشرب الحب بكاس مليان  
باشتياقي و اشتياقك  
و لما تخلص لي اديك روحي و عنية  
ده انا تعب من سهر الليالي  
و انت اكثر واحد داري بحالي  
امتي يا حبيبي الود بنا يعود  
و كل ما أشوفك تحلللي



١٧. عجبني عليك

عجبني عليك يا زماني  
ياللي حطمتني و حالك مال و عياني  
حوجتني ليه للخسيس  
و سببتني أعاني  
يا خسرتك يا عين علي  
ان الناس بينداس  
من اللي مالوحش اساس  
و بيكسب المليون في ثواني  
و عجبني .. ..

## ١٨. يا دنيا يا عجيبة

عجيبة و الله يا دنيا عجيبة  
الجري وراكي تعاسة و خيبة  
فيه ناس بتجري وراء الفلوس  
و ناس تاتيه ضعاف النفوس  
و تاهت فيك كل المعاني  
و كل واحد بقي بيعاني  
و يسأل نفسه ايه اللي جralي  
تقوله الدنيا ما هونت الجاني  
لو أنت مشيت بالاخلاص  
كنت حتبقي سيد الناس  
انما مشيت بدون احساس  
عشان كده بقيت تنداس  
و ترجع تقولي يا دنيا يا دنيا  
ما هو انت اللي جاني و أنا الفاتية





بقت لا بقيدك ولا بايدي  
عمال يخطف من هنا و هناك  
و ينهش في احلامي و تنهيدي  
اقوله يا راجل خد دورك في الطابور  
عشان ماتجوزش علي حق غيرك  
و يقولي ده انا فهلوي  
خليك كدا واقف محلك سير  
خليك في الماضي و انت راضي  
جتموت من الجوع و ما تلاقي لقمة العيش يا هريدي



## ٢٠. الدنيا و الناس

الدنيا جميله للي يحس بها  
و يبعد عن الانانيه وحب الذات  
و زي ما بياخد لآرم كمان يدي  
حيلافي في الدنيا كل المذات  
بس أوعي تنسي نفسك  
احسن المذات تجرك لمهاك الشهوات  
وتبقي اناني و تعدي علي غيرك  
و في ساعتها تتمني ان ترعاك العنايات  
و عيش و حاول تعيش غيرك معاك  
دي الدنيا من غير الناس تنفات  
و خد من الدنيا عبر وعظات  
عشان تخرج من الازمات و النكبات  
و اللي تقمله في الناس حايجي يوم  
و حتلقية يا حلو مردود لك حسب النيات  
و ساعتها حتبكي علي حالك  
مش حتلاقي حد يمسح لك الدمعات

٢١. يا طول عذابي

من بعيد بسمع خطواتك

و تشوفني لرؤياك

ياريت تسمع دقات قلبي

زي ما انا سمعه الدقات

عشان تعرف علي طول

انا مشتاقه للقياك

طب قوللي ازاي ارتاح

و قلبي بيك مشغول

و انت دايما عني بعيد

يا حبيب الروح علي طول

ده انا كتمة عذابي وحببي

و قاعده مستنية

اقول امتي وصلك

و ارتاح من الهاد اللي في عينيه

ساعتها أقول لقلبي

خلاص نلت منك

٢٢. الحدأه و العصفور

طبيعتهأ زعابيب أمشير

كل شوية فيها تغير

النهارده بتقبل حاجه

و اللي امبارح ترفضه بكرة

خلتني مش عارف حاجه

عن تفكير طبعها بالمره

يعني ما تحسنشي التفكير

انا مش عارف دا ايه يا امير

مره تحط ومره تطير

ولا دي بيعاه طرايطير

يا اخوانا قولي حاجه

احسن عقلي مني يطير

هي بس منظره كدابه

و تلقوها اجهل من دابه

مش عارفه حاجه في الدنيا



الا اللعب بالدنانير  
و انا كنت هغلط دين غلطه  
لو رحت و صلتها برجلها اسير  
كنت ابقى زي الاراجوز  
و الهيشه حوالها كثير  
هي تبقي زي الحدأة و انا وياها زي العصفور

٢٣. يا خباص

يا خباص بكره تتدم  
و تشيل علي راسك طين  
رايح جاي تراقبني  
انا فين .. و انت فين  
بالذمة مش مكسوف  
وانت حاطتني تحت عنيك  
هو انا ظلمتك مرة  
واللا نهبت منك قراطين  
دي خصلة زي الزفت  
عايز من وراها رغفين  
غور يا الله من قدامي  
و انت صحيح بوشين

٢٤ . الله عليكم

الله الله عليكم يا بنات الله عليكم

ودي برده عمله تعملوها

و تخطفوا الراجل مني

بعث له مراسيل

و انا قصدي يعذرني

و الم الشمل فهجرني

لقيته تاه في الزحام

و ما في حد وصلني

و جيت في النهاية

لقيت الهجر جنني

روحت واخذه القرار

عشان مفيش حد يلومني



٢٥. يا مين يحكم ليه

يا مين يحكم ما بيني و بينه

و يطلعني روحه من اللي عملوا فيه

جني ... جني ... جني

من يوم ما قللي انت ليه

رشييت رمل في الحوارى

و دليل على حبي و اخلاصي

مشيت اوزع الجاتوه و الكنافه و المهلبيه

و لما ماسألشي فيه

دريت الحسره في عنيه

يا مين يحكم ما بيني و بين اللي مالوش امان

خلي حياتي سواد قطران

الله يجازيه على اللي عملوا فيه

مطمرشي فيه لا الفول و لا الطعميه

## ٢٦. اللابندا

فاكر نفسك يا واد اللابندا  
و انت بفعلك كله اونطه  
مافيش حد غيرك في جمالك  
و ماشي بتدلع و متعالى  
و الحرام عندك حلال  
بفلوسك عايز تتولي  
و بقلوب العذارى بتتسلي  
و ما انتش لاقى حد يلمك  
حركاتك ماتخشش علي  
ولا تقدر في يوم تغويني  
روح ابعد عن طريقى  
خليني ماشية بحالى

## ٢٧. اه يانا من غرام

و اللي بقي منه صابني	آه ياتسا من غرام
غارق في الاحلام و التمني	من يومها قلبي اصبح
و الاقي في وصاله كل هنيا	و كل منايا يبقي معايا
بحقيقه مش اوهــــــــــــــــام	و اقول احلي كلام
و بقربك بعيش في هيام	مع حبك تحلي الايام
حقولك جرب اخلاصي و حنيني	هتقــــــــــــــــولي ده كلام
و تسبني للحرمان يضنيني	بس اوعه تهجرني
تسعدلي قلبي و تهنيني	انا عايزك علي طول يا حبيبي



## ٢٨ . طمني

قلبي حطيتہ امانہ بين ايديك  
و من قبلك كنت بخاف عليه  
كنت ديما خايفه من الاماني  
و من اللي قبلي و اللي قاسوه من الليالي  
عشان قلبي زي ريشة طائرة فوق  
يجي اعصار يدمرها في ثواني  
لما لقيت لك لقيت قلب تاني  
يحفظ العهد و يصون الاماني  
يا حبيبي يا عمري يا غالي  
انت خلّيت الدنيا في عنايا شكل تاني  
كنت خايفة لما قلولي ان الحب طيش  
و انا شايفة ان من غير ما اقدرش اعيش  
خايفة منهم يحسدوني و تشوكني  
شجرة الورد و من وردها مالقيش  
هو ده اللي مخوفني اقبالك رغم اتي ماعرفشي حد قبلك  
قولي ، طمني قبل ما يعذبني حبك  
هل كلامهم صح ولا ما يسويش

## ٢٩. كنت واهمة

ما تضيعشي الحب الجميل  
اللي احنا عشنا نبتية من عمرنا  
ده قلبي اللي انت هجرتة  
لسسه برده شيلك  
انا بس باسئل ايه الي حصل  
انا كنت في حبك مقصره  
اتمنيت كثير ان اكون عيشة لظلك  
و ابقى طول عمري مطيعه بامر حبك  
قوللي بس معاك اعمل ايه  
و انت بس ما بترضي تقولي ايه  
كا ما قول لنفسي بكره نرجع  
الاقى نفسي رحت وياك في تيه  
احسن لي اعيش في ياسي  
احسن ما يقولولي انت سيبني ليه  
باين كنت واهمه لما شفتك  
كانت عنيك بتقولي حاجه تاتيه  
زي ما بيقولوا في الامثال  
الحب يجي في سنين و الهجر يحصل في ثانيه

### ٣٠. حب من اول نظرة

الجب مش كلام و لا بيحي في الاحلام  
الجب يا سلام بالنظرتين قوام  
اندهلك يا حبيبي يا منايا و نصيبي  
الاقيك من جوه جيبى بتبغلي الابتسام  
و يا سلام لو تيجي معايا علي كورنيش الغرام  
نتمشي عليه شويه و بخطوتين قدام  
نقرقز فول سوداني و الترمس التمام  
الاقى ايدك في ايدي  
و بتقولي يا حبيبي يا هنايا ونصيبي  
كان فينك من زمان  
و تقول توته توته اهي خلصت الحدوته  
و نرجع من مشورنا علي المأذون قوام



### ٣١. يا خوفي يا قلبي

أنا عمري ما كان الغرام يهمني

فجأه لقيت جمالك بيشدني

نادتني عيونك الحلوه

وجدت نفسي خارج الخلوه

لقيتك سكنه قلبي من جوه

و كأتي بسمع اجمل غنوه

الهوا خلاص دخل شباكي

يا تري نفرح يا قلبي و لا تنام باكي

مضطر يا قلبي تخفي حبك

كنت مرتاح في خلوتك و لا كنت يوم شاكي

ما انت خلاص وقعت وده من حقتك

عشان تبطل لوم علي الضحايا يا خوفي يا هلاكي

طيب انا حاسس بصدق مشاعري

هل يا تري هي كمان حسه بأشواقِي

حبك بقي في جبه هايم بيبكي

و يحلم بوصالك و لقائي  
يا خوفي يا قلبي أوعدها  
تصدني و تقولي قلبي مش فاضي  
روح دورلك علي حد غيري  
دا انا حبيبي سافر هناك و ليه معاه ماضي  
جرات نفسي و رحلتها في نفس المكان  
قولتلها قلبي عن غيرك يا حلوه مش راضي  
قلبي انكسر لما قالت اللي في بالي  
لقيت قلبها مشغول بحب كبير في الماضي

## الفهرس

م	الاغنية
١	خبر حبيبي
٢	حيره
٣	يا حبيبي امتي لقاك
٤	ما تبكيش يا قلبي
٥	ليه تبعد عني
٦	يا اللي انتا عني بعيد
٧	ياريت ترجعلي يا حبيبي
٨	منتظرة لقاك
٩	ارسيك علي حاله
١٠	اه من عيونك
١١	خبرني يا حبيبي
١٢	حب بتسمناه
١٣	افراحنا الحلو
١٤	انا نسيتك
١٥	ابعد عنسي
١٦	اخلص ليه
١٧	عجبي عليك
١٨	يا دنيا يا عجيبه
١٩	احتارت في سلوك الناس
٢٠	الدنيا والناس

م	الاغنية
٢١	يا طول عذابي
٢٢	الحداء و العصفور
٢٣	يا خبيصا
٢٤	الله عليكم
٢٥	يا من يحكم ليه
٢٦	اللابن
٢٧	اه يانا من غرام
٢٨	طمني
٢٩	كنت واهمه
٣٠	حب من اول نظره
٣١	يا خوفي يا قلبي


حقوق المؤلف محفوظة

رقم الايداع بدار الكتب

٢٠٠٩ / ١٩٩٣٣٣  
١٩٢٢٢











2.717  
5559a



0749972

